



1. c
2. c
3. c
4. c
5. c
6. c
7. c
8. c
9. c
10. c
11. c
12. c



1. Milthau. De ovarii 1740
2. Millar De explorata venae metallis sive pulvis carthus. etc. 1752
3. Millar De medicam. anti-epilepticis. 1787
4. Moellentheil De phthisi pulmonali 1785
5. Korcker De dysenteria quae excipit Aphonia cum epirrhoi 1778.
6. Müller De venae sectionis etiam iteratae usu. 1743.
7. Müller De dolore renum a calculo. 1734.
8. Müller De sita pteri oborto in gravidis et cahor. g. quarta etc. 1731
9. Müller. Synopsi caedantenus. 1751
10. Müller. De febre quotidiana, intermitte. 1754.
11. Mustinger De luxationibus. 1715
12. Mustinger De articulationibus artuum 1712

B. C. D.
DISSERTATIONEM INAVGVRALEM
MEDICAM

DE
CARVI

PRÆSIDE DEO TRIVNO
EX DECRETO
GRATIOSÆ FACVLTATIS MEDICÆ
IN ALMA ARGENTORATENSIVM
VNIVERSITATE

PRO LICENTIA
SVM MOS IN ARTE MEDICA HONORES
ET PRIVILEGIA DOCTORALIA
LEGITIME CONSEQVENDI

AD D. 5 SEPTEMB. ANNO CHRISTI MDCXXL.

H. L. Q. C.

SOLENNI AC PLACIDÆ PHILIATORVM
CENSVRÆ SVBJCIET

JOHANNES LVDOVICVS
MILHAV,
ARGENTINENSIS.




ARGENTORATI,

Typis MELCHIORIS PAVSCHINGERI Typogr.

DE O
ET
PROXIMO.






PROOEMIUM.




Impetrata, post exant-
lata rite nuper exa-
mina Doctoralia, a
Gratiosa Facultate
Medica, potestate
atque Licentia Dif-
fertationem Inauguralem de quacun-
que libuerit Materia conscribendi at-
que defendendi, in eligendo themate
non admodum diu dubius hæsi. Tra-
xit enim mox animum, tam jucundi-
tate quam utilitate, ad sui contempla-
tionem



tionem Materia Medica ; ita ut statim
mecum constituerim ex amplissimo hu-
jus penu, præsertim ex Regno Vegeta-
bili aliquid depromere, quod pro the-
mate tali inservire possit. Cumque in
perlustrandis simplicibus vegetabilibus
occurreret mox CARVI, hocce, ut-
pote multiplicis usus & condimentum
& Medicamentum, scopo meo conve-
niens judicavi. Hujus itaque Poly-
chrestæ CARVI historiam, non qui-
dem omni parte absolutam, sed qualem
per tenues vires colligere licebit,
nunc conscribere atque B. L. æquani-
mi censuræ subjicere animus est.
Deus conatibus faveat.



§. I.



§. I.

Inter vegetabilia, quæ frequentissimo se commendant usu, tam œconomico quam Medico, merito recensetur CARVI, quippe quod vix non quotidie usurpari consuevit. Ad aromata pertinere & odor & sapor testantur. HIERONYMVS TRAGVS de Stirp. Histor. Lib. I. Cap. 152. ita de Carvi scribit: *Semen hoc passim in Germania usu frequentissimum, ac quovis etiam Arabico aromate sua ratione præstantius.* PLINIUS Histor. Nat. L. 19. c. 8. non solum de eo dicit, quod *Careum* gentis suæ nomine appellatum culinis sit principale; sed & GALENVS l. II. de Alimentorum facultatibus ejus quoque mentionem facit, cum cap. 65. *περὶ σαφύλης καὶ δαύκου, καὶ κάριου* loquitur.

§. II.

Planta de qua agitur, à DIOSCORIDE l. 3. c. 57. *κάριον* vocatur. Ab ÆTIO tetr. I. serm. I. *κάριον* appellatur. SIMON SETHI l. de Alimentorum facultatibus κα-
A
vaβάδιον

καρδίου eam nuncupat. Vocatur à quibusdam καρῖον, καρῖον. Latinis, ut ex PLINIO patet, dicitur *Carum*; cui assentitur FUCHSIUS *plant. histor. c. 151*. Quibusdam audit *Carus*, aliis *Carum*, nonnullis *Caros*, forsan à Caria regione, in qua multum proveniebat & laudatissimum nascebatur. Officinis & Herbariis *Carvi* nominatur. CASPAR. HOFFMANNVS de *Medicam. Officinalibus l. 2. c. 51*. ita differit: *Credam Plinio l. 19. c. 8, à Caribus nomen habere hanc plantam, credam etiam patronymicum primum esse καρῖον, unde omnia alia corrupta, καρῖον, καρῖον, καρῖον, καρῖον.* Mearum non est partium me hisce difficultatibus immiscere, sufficit simplex relatio. C. BAVHINVS in *Pin.* appellat *Cuminum Praten- se*, Germani *Wisen, Rummel, Matten, Rummel, Feld, Rummel*, quod in campis & pratis proveniat, appellant. Nuncupatur etiam *Weeg, Rummel*, à viis & itineribus, ut TRAGVS ait, ad quæ, præsertim si graminosa fuerint, *Caros* reperitur. *Juliacensibus & Coloniaensibus Fisch, Rummel & Speiß, Rummel* dicitur, quod in cibus, & præsertim in piscibus coquendis, id adhibeant; ut docet JOH. BAVHINVS *Hist. plant. l. 27. c. 31*. Gallice *Carvi* nominatur. De nominibus, quibus ab Arabibus aliisque insignitur, confer TABERNEMONTANVM *Kräuterb. l. I. c. II.*

§. III.

Umbelliferis annumerandum esse *Carvi* extra controversiam positum est, SAMVEL DALE in *Pharmacologia seu manuductione ad Materiam Medicam p. 2. §. 9. §. 22. de herbis umbelliferis*, hæc habet. *Foliis pinnatis, pinnis in multas lacinias dissectis, seminibus oblongis, striatis, radice dulci esculenta, ab aliis umbelliferis distinguitur: qui hæc ex Rajo quoad partem desumpsit; nam RAJVS in merbo- do*

do plantarum emendata & aucta ita loquitur. Carum seminibus oblongis, angustis, striatis foliis pinnatis, pinnis in multas lacinias dissectis, & sine pediculis annexis noscitur. A PAVLO AMMANNO in charact. plant. nat. describitur Carum, quod sit umbella foliis plurisariam divisis semine striato minore & brevior. HERMANNVS BOERHAVE in hist. plantarum, hunc in modum descripsit hoc vegetabile. Caulis nodosus, ramifusus, quadratus, excavatus. Semina angusta invicem juncta, longiuscula, grisea, saporis acris & aromatici, radix longa, crassa, carnosae alba aliquando flava. Celeberrimus Botanicus JOSEPHVS PITTON TOURNEFORT in Inst. R. H. CL. 7. S. I. g. 4. sic hanc plantam describit, CARVI est planta genus, flore rosaceo & umbellato, plurimis scilicet petalis constante, cordiformibus, inaequalibus, in orbem positis & calyci insidentibus. Is autem abit in fructum, ex duobus seminibus compositum exiguis, longiusculis, hinc gibbis & striatis, inde vero planis. His notis addenda sunt folia tenuiter laciniata, costa per conjugationes innascentia.

§. IV.

Ex Botanicis JOH. BAWHINVS, totam plantam hanc his describit verbis: Carum ex radice singulari, longa, crassitudine pollicari & majore, rugosa, adnatis quibusdam & fibris aucta, alba, sapore aromatico & acrisculo ut pastinaca, caules proferunt multos cubitum & sesquicubitum altos, striatos, geniculatos in ramos subinde divisos folia longa carinato pediculo sed angusto, partim ex radice, partim ex ramulorum alis enata staphylini foliis similia, sed per longiora intervalla alas proferentia: in ramulorum extremis umbella non ingrato odore: flores singulares albi, aut rubescentes ex quinque foliolis cordatis nonnihilque ad fissuram crispis compositi: ex quorum umbilico virenti stamina tenuissima exeunt albicantia apicibus virentibus: semen

succedit oblongum, striatum, sapore acri & aromatico. CÆSALPINVS, FVCHSIVS, DODONÆVS, atque BOERHAVE crediderunt caules hujus vegetabilis esse quadratos; sed videntur melius depingi a J. BAVHINO qui illos canaliculatos esse afferit, quoniam ut loquitur TOVRNEFORTIVS dans l'histoire des plantes des environs de Paris, l'on a pas encore decouvert des plantes umbelliferes, qui aient la tige quarée.

§. V.

Duas tantum species Carvi recenset TOVRNEFORTIVS *l. c.* nempe *Carvi Casalp. 291. Cuminum pratense, Carvi officinarum C. B. Pin. 158. Caros J. B. 3. p. 269. Carum Dod. Pempt. 299. & Carvi, foliis tenuissimis Asphodeli radice J. R. H. Daucus pratensis Millefolii palustris folio. C. B. Pin. 150. Daucus pratensis Dalechampii folio millefolii J. B. 3. p. 2. 9. Daucus pratensis Dalechampii Lugd. 718. Hoc posterius autem minus est in usu, sed prius quotidie usurpatur.*

§. VI.

Carvi in Caria Asiæ regione provenisse supra jam monitum fuit. Hodiernis temporibus in Germania multum reperitur, præsertim in pinguibus ac lætis campis herbofis & pratis quæ subinde rigantur, a Majo mense, usque ad Augustum & flores & semen proferens. TRAGVS *l. c.* ita differit *Caros, Helvetiis, Suevis & Mediomatricibus* usitatissima planta, in aridis pratis ac edito loco sitis nec non graminosis agrorum limitibus, humo forti gaudens emicat, eoque feliciter, quo altiores situs occupavit. Altero demum anno, posteaquam ex humo emergere cepit, umbellas gerit

rit in cacumine, candido flore, veluti Cheresolium, emicantes, id-
que Majo mense. Nam Junio semen maturefcere incipit quo de-
cidente radix folia & caules protinus pereunt, ac ex semine dein-
ceps deciduo, planta hac, repullulafcit sponte fua citra hortulani
operam. In Silefia integra prata camposque montium
conveltire folet, teſte SCHWENCKFELDT in *Stirp. Si-
leſ. catal.* l. 1. Sicciora Hungariæ prata hoc abundant &
magnam copiam in quotidianum uſum ſingulis annis
ſuppeditant. Colitur etiam in hortis & agris, qua ra-
tione ſemen majus excreſcit & magis ad condimenta
aptum. Equidem in noſtra Alſatia quoque hinc inde
provenit, ſed ejus collectio non curatur, & ipſius
plantæ cultura negligitur; cum in ſufficienti quantitate
ex Suevia ad nos quotannis devehatur & non admo-
dum magno divendatur pretio.

§. VII.

Ex hac planta, quæ Uſui Medico æque ac Oeco-
nomico eſt deſtinata, ſemen equidem ut plurimum
uſurpatur, ſed nihilominus & aliarum partium uſus
aliquis eſt. Sic MATTHIOLO in *libr. 3. Dioſcor. c. 57.*
referente Herba pro olere comeditur. Radix autem
eſtur cocta perinde ac Paſtinaca, quocum conſentit
ADAM. LONICERVS de *nat. & vir. ſtirp.* ita loquens:
Radix cocta & apparatus paſtinacæ modo in cibis eſt
utiſſima, ſtomachum calefacit, urinam ciet. Juxta
J. BRUYER. de *re cibaria* l. 9. c. 15. radix, paſtinacæ
modo manditur, eſt fucci melioris & utilior ſtoma-
cho, guſtatu grata ſuavisque. Aſparagi primum erum-
pentes crudi ſuaviſſime in acetariis comeduntur. Im-
primis tamen in Oeconomiis uſurpatur ſemen Cari,
quod, ut cum SEBIZIO de *aliment. facultat.* l. 2. c. 11.

A 3

loquar

loquar, condimentum est culinis nostris usitatissimum.
 In TRAGO a SEBIZIO edito, hæc reperiuntur verba:
 Etliche backen Kümmel Brodt, andere machen Suppen
 damit, etliche rühren den Kümmel in die Milch zu den
 Zygern und Käsen, der Koch bedarff des Kümmels in
 der Küchen zu Fisch und Fleisch. Der Apotheker über-
 zeugt ihn mit Zucker: wird also dem König und Hirten
 fürgestellt, einem jeden, nachdem derselbig ein Lust und
 zu bezahlen hat, ganz gebräuchlich. TRAGO meretur
 junct TABERNÆ MONTANVS, hunc in modum ser-
 mocinans. Es ist der Matt-Kümmel fast in allen Na-
 tionen Europæ, sonderlich aber in unserem Teutschland
 mehr gebräuchlicher, ja auch fast nützlicher in seiner Art,
 als einige Specerey und Gewürz, so man aus Arabien
 oder Indien zu uns bringet. Etliche backen denselbigen
 mit dem Brodt, andere kochen den in den Suppen,
 bey den Erbsen, Hammel-Fleisch und anderen Speisen.
 Die Köch bedörffen dessen in der Küchen, zu Fischen und
 Fleisch, und ist wahrlich der Kümmel ein edel und nütz-
 lich condiment zu den Fischen, ihnen die übrige Feucht
 zu attemperiren, und deren Schädlichkeit zu benehmen,
 deroegen die Haus-Mütter und Köch wohl daran thun,
 daß sie die Fisch und Krebs, mit dem Matt-Kümmel
 absieden, kommen dessen nicht allein näher zu, sondern
 ist auch viel gesünder, dann die falsche gestoffene Würz,
 die man jehunder auch in den Reichs-Städten mit vie-
 len Centneren und in grosser Menge machet. Carvi
 caseis immixtum gratum conciliat saporem & odorem.
 In nostra Allatia optimi casei Carvi referti parantur,
 in valle Monasteriensi in Allatia superiore. Et quid
 communius quam hoc semen cum sale pani apponere.
 Cumque hic mos apud studiosos frequentissime vigeat,
 non mirum quod nostro idiomate, tale obsonium vo-
 cetur Studenten-Confect, Studenten-Habern. Præ-
 terea

terea femina quoque hæc, quæ gratiora sunt quam femina Cumini, saccharo incrustantur, & æque ac ex aniso & sceniculo confectiones saccharinæ quoque ad delicias hominum convivales cum Carvi parari possunt.

§. VIII.

Quod si jam ad usum, quem planta nostra in Medicina præstare potest lustrandum progredimur, illum haud exiguum esse deprehendimus. Radix enim Carvi, ventriculum roborat, coctionem promovet, iis prodest, qui tenacitate humorum laborant, humores enim pituitosos attenuat, pulmones expurgat, expectorationem promovet, asthmati & tussi medetur, & in multis quoque affectibus, in quibus semen usurpatur, conducere potest. A nonnullis variis conditur modis; vel saccharo, vel melle, vel musto. Modos condiendi suppeditat TABERNÆMONTANVS. Recipiuntur radices tempore verno teneriores & juniores, antequam excaulescat planta, mundantur & in frusta discinduntur, postmodum affunditur saccharum, in aqua dissolutum, & decoquitur ad consistentiam, despumando & clarificando saccharum affunditur aliquid aquæ rosaceæ & post modum ad consistentiam syrupi redigitur, asservanturque radices conditæ, una cum brodio in vase lapideo aut murrhino. Cum melle ita procedunt. ℞. Radices concisas coque in pauca quantitate aquæ, deinde triplam quantitatem mellis, in respectu ad pondus radicis, infunde & coque ad debitam consistentiam. Vel radicibus bene depuratis superfunde sapam bene coctam, ad eminentiam unius, duorum, triumve digitorum, post tres circiter dies decantatur sapa & a succo radicum liquidior facta, denuo recoquitur, & affunditur radicibus, ut bene cooperiantur. A modo

do dicto Authore commendatur quoque conserva Carvi radicum, quam tali modo præparare jubet. Affumuntur radices, v. gr. libr. i. conscinduntur & decoquuntur in aqua ad ejus fere consumptionem, postmodum in mortario contunduntur, donec molles evadant & abeant in pulmentum, exinde per cribrum aut pannum exprimendum; adde duplam quantitatem sacchari depurati, & ad ignem in conservam redige. Ufurpantur hoc modo confectæ radices jejuno præsertim ventriculo. Teste TOVRNEFORTIO *Hist. des plantes des environs de Paris*, radices quoque in ptisanis & clysmatibus adhibentur.

§. IX.

In semine possidemus non solum jucundum condimentum, sed & polychrestum remedium. Sunt autem semina striata, parva, oblonga, tenuia, paululum incurva seu falcata, fusca, saporis acris aromatici. Debent esse recentia, succulenta, oleosa, non furfurosa aut carie erosa, a sordibus, pedunculis & aliis extraneis bene repurgata. Respuuntur quæ contrario modo se habent & nimis annosa sunt. Cl. HOFFMANNVS de *medic. officinalibus l. 2. c. 51*, notat esse, qui semina hæc in usum vocare nolint, nisi calida abluantur, ob, nescio quam veneni suspicionem. Ego aliud subesse puto, habere scilicet aliquid excrementitii, ob quod opus sit diligenti exsiccatione. Oportet autem, hoc fiat in umbra, si enim in sole ferventi, perit illi simul anima.

§. X.

Semina Carvi sale volatili oleoso aromatico
con-

constare, non tantum docet PAUL. HERMANNVS in
Cynof. Mat. Med. sed & ipse gustus atque olfactus fidem
 faciunt. Hinc utique inter aromata & condimenta
 collocari merentur. Referuntur inter quatuor semina
 calida majora, quæ Carvi, Cumini, Fœniculi, Anisi.
 Ob partes hinc constitutivas sulphureo-salinas, admo-
 dum activas, virtute gaudent stomachica atque carmi-
 nativa, calorem nempe Ventriculi resuscitant atque
 restaurant, digestionem adjuvant, & fibras nerveas
 virtute sua tonica redintegrant. ETMÜLLERVS in
Colleg. Pharmaceut. in Schræderum hæcce tradit: Semen
 Carvi, natura & usu omnino conspirat cum semine Fœniculi,
 Anisi & Cumini; in specie emulatur vires seminis Cumini, nisi
 quod sit fortius, quoniam saporem habet acrem, & non tem-
 peratum ab oleo, sed est acrius: quare quodcunque acidum in-
 venit in primis viis, temperat & potenter corrigit. Inter semi-
 na quatuor calida majora refertur, qua specialia carminantia
 sunt, hinc vi aromatica spiritus influos recreando egregium est
 stomachicum & diureticum, temperat mucilaginem acidam & vis-
 cidam, incidit & abstergit, adeoque in affectibus intestinorum
 & hypochondriorum flatulentis ex cruditate acida in primis viis,
 in specie in colica, convulsivis intestinorum malis, herniis &c.
 commendatur & usu tam interno quam externo his affectibus me-
 detur. Recipiuntur in pulveres pepticos, post pastum
 assumendos. Celebratur imprimis confectio seminis
 Carvi de qua infra ulterius dicetur. Quid in Herniis
 præstet hoc semen, ut & alia Carminantia, HELMON-
 TIVS l. de flatibus S. 75. docet. Verba ejus ita se ha-
 bent: dixi semina calida ex commiseratione divina mortalibus
 enotuisse, & a bono vulgo in Scholas, usum eorundem introdu-
 ctum, nescientes causam & circumstantias flatuum. Semina ergo
 illa corruptionem simul atque aciditatem materiae inbibent, sunt-
 que ideo intestinorum solamina. Solamen autem istud hoc exem-
 plo

B

plo

plo discē. Herniosus incurius, cui intestinum excidit in scrotum, mox ad capitis magnitudinem exurgit, induratur, ac tandem livescit. Etenim vario lactis fœtu & stercoreis vaccini tepido fomento frustra tentatur. Videturque per foramen sextuplo minus, quam sit tuber scroti propter duritiem, reditus sui spem deponere. Dein seminum anisi nempe, Carvi, feniculi, Coriandri &c. potu in vino, mox evanescit durities tuberis, sinitque se intro repelli, quod clyster & forus exterus non dedere, ergo per se tacens defectus ille loquitur. Quod exorbitata circa testem intestina, statim duritiem præter naturam induant flatusque suscitent. Quæ cuncta per solamen intestinali Artheo mox disparent: quæ alias citam & dolentem mortem causarent. Supra allegatus ET MÜLLERVS dicit, quod sapius fiat, ut ex potu nimio immoderato & nocivo oriantur tormina stomachi gravissima, & in his nil melius semine Carvi a Dj. ad ʒß. in jusculo calido. Coniunguntur etiam his doloribus diarrhææ & solum semen Carvi est sufficiens in hisce casibus. Ad imitationem SCHOLÆ SALERNITANÆ, de viribus fœniculi differentis, quis quoque de Carvi vi carminativa sequentem in modum canere posset.

Conducit Carus quod mittat flamina Culus.

§. XI.

Inter remedia, quæ lactis proventum procurant; locum quoque invenit Carvi, cum oleosa sua substantia volatili ferum fluxilius & colationi in mammis aptius reddit. Usurpari autem poterit, vel in substantia vel in decocto, cum jusculo aut lacte, addi quoque pote-

poterunt flores Sanibuci & alia. Nutricibus non solum copiosum sed & laudabile lac largitur, corrigendo acidum & coagulationem impediendo, & sic a multis malis, quæ a vitioso lacte tum lactantibus, tum lactentibus, contingere possent, præservando. *Materiam scilicet lactis, quæ sanguis est, ut loquitur SEBIZIVS de aliment. facultatibus l. 2. c. II. sub aniso ad lactis officinas ipsas nimirum mammas promovet, semen anisi sicut & Carvi & feniculi, & anethi, quæ aque calida sunt ac sicca; nimirum sanguinem attenuando & vias ad mammas directas dilatando aperiendoque.* Sicuti autem usu interno ad lactis generationem contribuit; ita quoque externo usu ad discutendos mammarum tumores, aliis præsertim remediis maritatum inservire poterit. Cum aceto ad lac imminuendum applicatur. Commendat nihilominus quidam ad mammas pendulas, ut foveantur semine Carvi cum decocto gallarum in fomentum redacto.

§. XII.

Ob partes constitutivas aperit, resolvit, incidit, attenuat atque discutit, hinc multis in morbis haud exiguos edet effectus. Conducit in morbis pectoris, in tussi & asthma præsertim pituitoso & flatuoso. Pectus expurgat & expectorationem promovet. In tussi & raucedine prodest. Eodem modo ac fœniculum in tussi & aliis pectoris affectibus commendari potest gravidis. Non ineptum erit jungere Carvi cum radice Enulæ Campanæ, radice Polypodii, foliis Roris-marini, aliisque appropriatis. In doloribus pulmonum sedandis hocce externum remedium laudat TA-

BERNÆMONTANVS. ℞. Sem. Carvi. ℥iij. Sem. Anisi,
 Summit. Abfinth. ana ℥ij. pulverisatis adde micæ panis
 fecalini & Mellis depurati ana ℥iv. Terebinth. ℥ij. Coqu.
 in f. q. Vini albi boni, ad consumptionem vini f. cata-
 plasma pectori & dorso bis vel ter in die calide appli-
 candum. Medetur quoque doloribus pleuriticis atque
 Asthmati. Possit quis in Asthmate & pectoris angustia,
 si a crassis & tartareis humoribus exoriuntur, sequenti
 vel simili medicamine uti. ℞. Rad. Ireos florent. Rad.
 Imperat. Rad. Enulæ Campanæ ana ℥j. Sem. Carvi ℥β.
 Sem. foeniculi. Sem. Anis. ana ℥ij. Concis. & Contus.
 infund. in Vin. gener. ℥ij. stent in digestionem per noc-
 tem, mane leviter ebulliant, postmodum ex decocto
 colato cum f. q. sacchari in aqua pectorali soluti f. l. a.
 Syrupus ad unum aut alterum cochleare assumendus.
 Is quoque non aberrabit a scopo, qui in asthmate tussi
 & raucedine præsertim a tempore frigidiusculo & hu-
 mido ortis, usurpat decoctum Carvi cum radice hele-
 nii in Vino, addendo haustui cuilibet Mellis Virginei
 cochlear unum. Facile autem quilibet hariolabitur de-
 coctionem non nimis diu protrahendam esse ne parti-
 bus volatilibus absumptis sperato frustremur effectu.
 Ingreditur Carvi sequentem aquam ant-asthmaticam,
 quam præscribit THOMAS WILLIS ANGLVS in
Pharmacut. Ration. p. 2. f. 1. c. 12. ℞. Rad. Helen. Ireos
 florent. Angel. Imperat. āā. ℥iv. Bryon. ℥ij. fol. Mar-
 rub. alb. Hyllop. Saturej. Puleg. Heder. terrestr. āā. M.
 jv. baccar. Juniper. Heder. recent. āā. ℥ij. bacc. Laur.
 ℥β. Sem. Carvi, foenic. dulc. anis. Levist. Aneth. āā.
 ℥j. Cubebæ. ℥ij. piper. long. Caryophyll. Macis āā. ℥j.
 Incis. omnibus & contusis affunde Cerevisiæ Brunsvi-
 censis (aut alterius vel etiam Vini & aquæ) ℥viiij.
 destillentur organis communibus, liquor totus miscea-
 tur

tur & inter utendumedulcoretur ad placitum cum saccharo vel syrupo de succo hederæ, vel cum oxymelite.

§. XIII.

In affectibus quoque Renum aliarumque partium Urinariarum suo non deerit officio Semen Carvi. Dum enim partibus suis salino volatilibus oleosisque temperat acidum, urinam pellit, calculum ut quidam volunt, frangit, seu potius ejus generationem præcavet, arenulas exturbat, doloribus nephriticis medetur, & stranguriam, ab acido & flatibus oriundam compefcit, obstructions Renum, Ureterum atque Vesicæ, egregie referat. **TABERNÆMONTANVS** sequens prædicat medicamentum. \mathcal{R} . Sem. Carv. \mathfrak{z} vi. Rad. Pimp. Sang. Hirci pp. pell. lepor. combust. $\mathfrak{ā}$ ā. \mathfrak{z} β. Sem. petrolel. Sem. genist. $\mathfrak{ā}$ ā. \mathfrak{z} ij. Sacch. albiss. \mathfrak{z} ij. \mathfrak{z} vi. Mfc. f. pulvis, de quo calculo laboranti exhibeantur \mathfrak{z} ij. in Vini generosi \mathfrak{z} iiij. & aquæ Raphani \mathfrak{z} j. Dolores sedat & calculum pellit. Ad stranguriam porro suadetur mane & vesperi haustus Vini in quo Carvi decoctum fuit. Sacculus Carvi pulvere repletus in Vino decoquitur, & quam calide fieri potest lumbis applicatur, ad demulcendos dolores nephriticos. Sunt qui addunt aliquid olei. In suppressione Urinæ talem sacculum pubi imponunt, aut in tali casu suadent ut Vinum, in quo Carvi fuit decoctum, instilletur lateri ignito, & vapor partibus genitalibus excipiat. Cum itaque Urinam proliciat, in Hydrope quoque commo- dum erit Carvi, si sæpius cuspidatim cum Vino diu-
B 3
retico

retico assumatur. Nonnulli sequens deprædicant remedium. ℞. Sem. Carvi, pulv. sulphur. āā. ℥iij. ster-
cor. caprilli vel ovilli ℥j. Coqu. in urina pueri pro
cataplasmate abdomini imponendo, quod etiam in
tympantide conducet.

§. XIV.

In Hepatis porro atque lienis affectibus locum ha-
bet, hæcque viscera ab obstructionibus liberat, humo-
rumque viscositatem corrigit ac viscerum calorem re-
staurat. Idæri curationem promovet. In infarctu lie-
nis nonnulli singulis mane ℥j. sequentis pulveris in vi-
no & aqua exhibent. ℞. Rad. Carvi ℥ij. Sem. Carvi,
rad. Bryon. rad. Rubiæ, Gummi Ammoniæ ana ℥i℥.
Mfc. f. pulvis subtilis. Sunt qui etiam virtutem Ale-
xipharmacam adscribunt, hinc juxta DIOSCORIDEM
l. 3. c. 57. utiliter miscetur antidotis & oxyporis. Huic
sententiæ subscribit etiam REMBERTVS DODONÆVS
Stirpium hist. pempt. 2. l. 5. c. 4. Quod si certe partes
constitutivas lustremus, non minori jure ac foenicu-
lum bezoardicorum classi inseri, & in morbis continuis
& exanthematicis, in decoctis pro potu ordinario, ad
conservandum robur ventriculi & flatus dissipandos
adhiberi poterit; licet foeniculum hoc in casu gratius
existere non diffitear. Hinc & interne si aliquid noxii
& venenati assumptum fuerit, virus nocivum doma-
re aptum, non minus quam anisum ac foeniculum,
erit.

§. XV.

§. XV.

Cephalica gaudere hoc semen facultate non negant authores, sive malum jam per *πρωτοπείθειαν* sive *δ'αυρεποτάθειαν* ortum traxerit, balsamicis enim suis partibus juvamen afferre capax est. Imprimis in affectibus catarrhalibus frigidis locum invenit. Sic **CRATO** in *Confl. l. 2. Conf. 1.* suadet usum Carvi. **TABERNAMONTANVS** jubet, ut sacculus semine hoc refertus, calefiat supra laterem calidum, cui vinum instillatum fuit & vertici in catarrho frigido applicetur. Vertigini insigniter medetur. Hinc quidam suadent, ut quis cubitum eundo Carvi pugillum mastice, postmodum deglutiat & super indormiat. **CRATOL.** *all.* ita loquitur, *Mane ad crassos spiritus qui agitati ad vertiginem faciunt, parum Carvi assumat. Utatur orbiculis confectis cum oleo Carvi, item anisi, Fœniculi, saepe Carvi odore, suffitum faciat ex Styrace. & L. I. conf. 3. Mastice, inquit, saepe semen Carvi, eoque frequenter utatur in cibo.* Sunt qui pro hoc scopo obtinendo utuntur semine in aceto per triduum macerato & rursus exsiccato. Virtus quoque ejus ophthalmica celebratur, de qua **BOERHAVE** *hist. plant.* asserit, quod hominibus, qui in speciem cecitatis incidunt & oculos obscuros habent, conducatur, & a nulla re magis juventur, quam a semine Carvi & fœniculi. Extriti seminis ℥i. in aqua Rosar. ℥iij. macerati addito parum acet. rosac. & pauxillo Spir. Vini & postea parum inspissati, cum ana liq. mustel. pisc. Unguentum ophthalmicum insigne paratur. Et licet facile hac in virtute palmam concedam fœniculo non video tamen, quod & Carvi eadem sit omnino

omnino eripienda. Itaque eodem modo ac anisum & fœniculum, Carvi quoque usui externo atque interno proderit. Celebratur præterea in debilitate auditus, & a quibusdam in confortanda memoria. Sunt qui illud tanquam remedium præservativum ab apoplexia venditant, si quotidie usurpetur.

§. XVI.

Dum Uteri affectibus suppetias ferre conantur Medici, non ultimo haberi Carvi loco deprehendimus. Cum enim carminativa polleat vi, in doloribus abdominis hypochondriorum uterique, a flatulentia præprimis exortis, multum præstat. Ad menses pellendos, ut alia carminativa, cæteris paribus contribuit. Sunt qui suadent, ut vapor decocti genitalibus excipiatur. **TABERNÆMONTANVS** sequentem deprædicat potiunculam. ℞. Sem. Carvi, mij Herb. Artemis. m. jß. Lepidii m. j. Rad. & folior. Asar. m. ℞. Concis. immitte in lagenam, & lutato bene operculo coque in diplomate per 4. & ultra horas, postmodum decoctum cola, & mane & vesperi ægræ haustum aliquot unciarum propina. **NICOLAVS ROCHEVS** de *morb. mulier. curand.* hæc dicit. ℞. Sem. Viticis ʒiß. Sem. anethi m. j. Carei, Costi ʒi. terantur parum & per infundibulum fumum mulier in locellos vestibis tecta sedensque recipiat. Nihil communius est quam Carvi adhibere in jusculis ad dolores parturientium nothos, quos mitigat, dum e contrario veros adauget, unde & hoc doloris augmentum inter ea refertur signa, quibus

bus veri a nothis discerni solent doloribus. Quod si refragaretur Medicis, certe irridebitur a mulierculis, ultra sexum imprimis sapientibus. Laudatur porro ad dolores post partum, & ad promovenda lochia. Contunditur autem Carvi & sic decoquitur ac una cum jusculo hauritur. Alii jubent, ut contusum in petia ligetur & tantummodo jusculum hauriatur. Utroque modo licebit adhibere. Hoc interim observato, ne diutius justo decoquatur, quoniam alias pars volatilis avolat. Cæterum semen hoc, in tumoribus partium genitalium existit proficuum, sive in sacculis atque fomentis adhibeatur, sive vapor decocti in aqua vel in aqua & vino usurpetur. Illud etiam notandum, quod quam maxime proficit in mitiganda passione hysterica. Nam assumatur Carvi, injiciatur carbonibus, & fumus partibus genitalibus optime excipitur; sic namque egregie motus sistet hystericos. A nonnullis ejus virtus in sterilitate arcenda & curando fluore albo laudatur. Utile hinc etiam est in Chlorosi & Cachexia Uteri vitio oriunda.

§. XVII.

Ob virtutem suam carminativam, discutientem & oleosis suis partibus obtundentem, virtute quoque gaudere pægorica, nullum videtur adesse dubium. Hinc æque ac Anisum & Fœniculum palpitationi cordis subveniet, tormina sedabit, tremori succurret atque in Incubo proderit, dum flatus crassos & acres corrigat atque dissipat. pituitam crassam, viscidam, tenacemve incidit, humores ad coagulationem tendentes resolvit.

C

vit.

vit, viscerum obstructions removet, & partibus suis balsamicis humoribus consentiam largitur debitam, imprimis sero vitiato suppetias ferens. Commendatur a nonnullis ad infantum a flatibus præsertim oriunda tormina, ut & ad pituitam acidam & viscidam emendandam. Inflationi quoque Hypochondriorum, imo tympanitica in dispositione, auxilio erit, cæteris videlicet paribus. Certe hoc Carvi semen æque comparet utile esse ac reliqua semina quatuor calida seu carminativa majora.

§. XVIII.

Quod si jam ad usum externum, quem Carvi præstat, reflectamus, & illum quoque insignem esse deprehendemus. Eminent autem virtus carminativa & anticolica. SIMON PAULI in *Quadripart. Botan.* hunc in modum differit: *Ex Parentis mei p. m. Henrici Pauli, Serenissima Regina Dania Sophia Archiatri, experimentis doctus sum ipsum frequentissime colica passioni fecisse medelam, ubi panem ex furno extractum & dissectum, hinc inde excavatum Carvi semine refererit, eumque calidissimum ventri adplicuerit. Eodem modo, quasi conditum Carvi semine panem, Præctici Medici alii auribus surdastrorum applicant calidissimum: alii applicato infundibulo auri, calentis panis, & recens ex furno extracti, cum vel sine semine Carvi, exhalentem vaporem excipiunt, ut tanto penitius hac arte in aurem intromitti queat.* TOURNÉFORTIUS *Hist. de Plantes des environs de Paris* hæc habet. *Pour guerir la colique, on prend un pain tout chaud, au sortir du four, on le soupoudre avec cette graine pilée, on l'arrose avec de bonne eau de vie, & on l'applique sur le bas ventre.*

TABER.

TABERNÆMONTANVS hocce commendat remedium.
 ℞. Herb. Carvi m: iij. fol. Rorismarini, flor. Chamomillæ, Meliloti, Pulegii, Absynthii Pontici, Origani, Rutæ ana m: ij. Sem. Carvi, Anisi, Fœnicul, Anethi, ana m. j. Rad. Althææ contus. Semin. Lini, Fœnugræci, ana m. ℞. hisce incis. & contus. repleantur sacculi duo, interpassandi, qui coquantur in vino & aqua, & postmodum expressi, calidissime abdomini applicentur ad profliganda tormina. Sacculi quoque tales sequentibus possunt replei speciebus. ℞. Herb. Carvi, m. ij. Absynthii Pontici, florum Chamomillæ, Meliloti, Menthæ crispæ, Calaminthæ arvensis, Pulegii ana m. j. Rosarum rubrarum, Spicæ Indicæ, Schoenanthi, Semin. Dauci, Anisi, Fœniculi, Anethi ana m. ℞. Galang. Cyperi, ana ℞. Caryophyll, Nuc. Moschat. Macis. ana ℞j. Msc. f. pulvis grossus. In doloribus stomachi quidam decoquunt Carvi, in oleo & vino ad consumptionem vini, & postmodum regionem ventriculi oleo inungunt. Ejusmodi fatus quoque resunt in stranguria, suppressione urinæ, doloribus renum atque vesicæ, qua de re etiam supra jam dictum.

§. XIX.

Carvi nodulo inclusum & aqua decoctum umbilico mulierum applicitum tormina hysterica solatur. Ad prolapsum vaginæ uteri vapor decocti Carvi genitalibus exceptus deprædicatur. Decocti porro hujus vapor per inferiora exceptus in tenesmo & hæmorrhoidibus cœcis dolentibus prodest; quem in finem quidam Carvi in vino decoquunt, & lateri ignito instillant

lant, fumumque in sella excipiunt. Sunt qui ad scabiem commendant Carvi cum aceto mistum, quo partes affectæ aliquoties de die debent lavari. A nonnullis tale fomentum cum vino aut aqua factum celebratur ad roboranda membra tremenua. Tumores quoque præsertim flatulentos dissipat & partibus spasimo flatulento vel convulsione tentatis auxilio est. Nonnulli decoctum laudant, ad faciem claram & nitidam reddendam. Seminis Carvi farina miscetur utiliter cataplasmatibus, quæ ad fugillata parantur. Laudatur tandem præsertim cum aceto usurpatum ad hæmorrhagias compescendas. Ad singultum nonnulli sequentia suadent. ℞. Sem. Carvi, ꝑ. Ammeos, Anethi ana ꝑij. Rad. Galang. Caryophyll. ana ꝑj. Menthæ siccæ ꝑij. Mastiches ꝑ. Thuris ꝑj. includantur sacco, qui irrorandus aceto rosaceo & ventriculo apponendus; quod eo melius erit, si simul interne hoc exhibeatur remedium. ℞. Sem. Carvi, Anethi, Portulac. Papav. alb. ana q. s. coque in tenuiore cerevisia & da secure cyathum. Quod si Veterinariis consulere volumus, iis sequens a quibusdam commendatur remedium, ad curandos oculos lippientes equorum. ℞. Sem. Carvi, folior. Rutæ, Hederae terrestris, redigantur in pulverem & cum vitello ovi fiat pasta, quæ in fornace figulina optimè calcinetur, postea in pulverem redigatur; de quo bis in die aliquid oculis insuffletur.

§. XX.

Deveniendum jam etiam est ad præparata ex nostro semine. Meminimus jam supra Seminis Carvi Saccha-

Saccharo incrustati, quod non tantummodo secundis mensis cum bellariis aliis apponitur, sed ventriculi concoctionem promovet, ructus sedat, capique, ut cum **SEBIZIO** loquar, munit, ne a vaporibus Ventriculi feriat; Præterea prodest in confortando capite, ar- cendis catarrhis, præsertim sic dictis frigidis, & memo- ria conservanda. Pectori auxilium præstat, expecto- rationemque promovet, lac auget. Ventriculi affecti- bus atque intestinorum præsertim flatulentis medetur; digestionem atque concoctionem ciborum adjuvat, foeto- rem anhelitus emendat, doloribus renum atque vesicæ succurrit. Hystericas solatur, parturientibus conducit, nec non puerperis præsertim in cruciatibus a flatibus exortis juvamen præstat. Cum hoc quoque semine li- cebit parare confectionem laxativam, præsertim cum Scammonio, Gialappa aliisque eodem plane modo ac ex semine Anisi. A **TABERNÆMONTANO** producitur quoque Carites sive vinum ex Caro confectum, infun- dendo semen in musto & una cum eodem fermentando, laudaturque ad affectus pectoris, pulmones repurgan- dos, asthma, tussim, inflationes stomachi; intestinorum atque uteri, dolores colicos atque nephriticos, ad stran- guriam; urinam pellit & sabulum everrit, a quibus- dam commendatur mulieribus in mensium & lochio- rum difficultate. Nonnulli ad calculum, tum curan- dum tum præservandum, tale commendant vinum. **v.** Herbæ Carvi cum toto, quando semen propullu- lare incipit, partes duas, Saxifragiæ albæ partem unam, conscinde & doliolo, cum ramentis corylinis, immit- te & superaffunde mustum, fermentationique expone, qua peracta, obtinebis vinum, ad prædictum scopum nobile.

§. XXI.

Officinæ asservant aquam Carvi destillatam, quæ vel ex semine, vel ex tota planta prolicitur, destillando vel per vesicam vel per Mariæ Balneum. Sunt qui cum vino Rhenano alioque generoso destillationem instituant, sicque efficaciorē nanciscuntur liquorem. Celebratur in affectibus stomachi atque intestinorum flatulentis, in dolore lumborum, renum & vesicæ, in affectibus item capitis atque uteri. Hauritur mane & vesperi, ad unam aut alteram unciam. Sunt qui ex Carvi extractum quoque parare conantur, sed non multum laudatur, sicuti neque de Sale Carvi vel ex semine vel ex planta ipsa, per incinerationem parato, peculiarem sibi spondere quis poterit effectum.

§. XXII.

Inprimis autem celebre est oleum Carvi, quod per destillationem ex semine obtinetur; cujus præparatio cum nihil discrepet a prolectione olei ex semine anisi atque fœniculi, ideoque ejus descriptione superfedeo. Est interim oleum æthereum atque aromaticum odorem & saporem Carvi referens. De virtutibus hujus olei prolixè differit CONRADVS KHVNRATH in *Medulla destillatoria & Medica* cujus verba in latinum sermonem versa hic apponere placet. Oleum hoc ob virtutes suas, merito dicatur cerebro, utero atque partibus genitalibus. Quoniam vapores & flatus

tus resolvit, discutit atque expellit, speciebus epilepsiae medetur, si in aqua aut succo herbae Carvi, praesertim fummitatum, assumatur. Frigidum nimis & humidum cerebrum excalescit atque exsiccat, colluviei ferosae & exinde ortis defluxionibus obviam it, dolores capitatis mitigat, ab apoplexia praeservat. Prodest in Vertigine atque Lethargo; affectibus oculorum atque aurium imprimis tinnitui & susurro succurrit. Coryzam mitigat. In affectibus pectoris ad pituitam & homores crassos incidendos conducit & expectorationem promovet. Ventriculum calescit atque roborat, digestionem promovet, in abdominis affectibus flatulentis, tympanitide imo ipso hydrope deprædicatur. Colicos sedat dolores. Urinam pellit, stranguriam tollit, calculos atque sabulum expurgat. Lumbricis porro infestum censetur, foetorem anhelitus corrigit. Matrici praesertim refrigeratae atque flatibus obnoxiae opem fert. Menses atque Lochia promovet. In sanguine congrumato intus usurpatum deprehenditur proficuum. Datur ad guttulas aliquot, tres, quatuor, ad decem cum brodiolis aut alio vehiculo, imprimis autem in aqua Carvi.

§. XXIII.

Meretur quoque audiri de hoc Oleo ETMÜLLERVS hunc in modum differens. Oleum Carvi destillatum in iisdem affectibus & in cardialgia vel dolore stomachi conducit, a guttulis ʒ. ad ʒo. in vehiculo appropriato, vel haustu vini, de quo THONERVS
in

in *Observat.* refert, se curasse guttis V. olei destillati Carvi subito dolorem totius abdominis clamorū; item in alio sævissimum ventriculi dolorem itidem hoc ipso oleo: guttis tamen 5. olei destillati succini idem præstabitur. Hic dolor ventriculi valdopere est molestus propter connexionem & sympathiam nervorum dorsi cum orificio ventriculi sinistro, es sicht sie den gangen Rücken hinauf, usque ad scapulam. Unde hæc cardialgia, si conjuncta sit cum inflatione, vocari solet Colica Ventriculi, ubi oleum Carvi destillatum erit egregium, nam ingens est carminans. Si ex potu nimio immoderato & nocivo tormina stomachi gravissima oriantur, nihil melius erit oleo Carvi guttul. v. vj. usque ad X. in jusculo calido. Cum doloribus his conjunguntur etiam diarrhœæ, & solum oleum Carvi destillatum in omnibus his casibus sufficit, usu tam externo quam interno. Urinam item promovet, eamque suavis odoris reddit. A PHILIPPO GRÜLINGIO, Medico Stolbergensi, in *Florilegio Hippocrateo. Galeno. Chymico novo* hocce ad flatum ventriculi commendatur. ¶ Olei Anisi, Fœniculi ana ʒj. olei Carvi ʒ℥. fiat mixtura, detur in vitro parvo. Dosis est a guttis viij. ad x. in convenienti vehiculo. Poterit oleum Carvi in anatica quantitate commisceri. Contra frigidam ventriculi intemperiem sequentes rotulæ ab eodem autore commendantur. ¶ Olei Carvi, Anisi, Fœniculi ana gtt. viij. Extract. Calam. Aromat. Galang. ana ʒj. Sacchar. albi in aqu. Ment. dissoluti ʒjv. f. rotulæ. Commode quoque exinde poterit parari Elæo. Saccharum Carvi, ad ʒj. sacchari recipiendo olei gtt. viij. vel x. Hoc modo vel solum poterit assumi vel cum vino aut etiam vehiculis aqueis commode misceri.

§. XXIV.

Externum olei hujus usum quod concernit, supra dictus *KHVNRATH* de eo hæc habet. Caput repurgat & memoriam confortat, præsertim si Luna crescente, tempora & nucha eo inungantur, aut quis diligenter id olfaciat. Vertigini & doloribus capitis ab humoribus crassis & pituitosis oriundis medetur. Visus aciem conservat. Ad aures repurgandas & surditatem præcavendam infervit, præsertim si simul pone aures usurpetur. Hæmorrhagias narium atque vulnorum compescit, si injiciatur, aut cum linteo gossypio aut turundis applicetur. Relaxationem Uvulæ curat, & in Odontalgia prodest, præprimis si a defluxionibus oriatur. Ventositates in colica passione discutit, umbilico instillatum & abdomini inunctum. Stranguriam tollit. In Panaritia prodest, & in ulceribus putridis verminosisque atque venenatis auxilium præbet. Perniones solatur & membra trementia atque paralytica roborat. Audiamus etiam rursus *ERMÜLLERVM* hæc verba proferentem. Externe conducit, quando cum majori penetrantia miscetur cum oleo nucis Moschatæ expresso, quod carminativum est & stomachicum, nam olea destillata omnium fortissime penetrant, quoniam nihil aliud sunt, quam salia volatilia simplicium, concentrata ab acido figente, dum hoc Salia Volatilia arripit, seque cum illis jungit; unde ex oleo destillato in digestionem cum sale fixo potest sublimari sal volatile. Sunt qui dicunt, quod clysteribus ad guttulas aliquot additum, magnam vim

D


vim habeat carminativam. Cæterum hoc oleum variis compositionibus stomachicis & carminativis tum externis tum internis miscetur.

§. XXV.

Nullum videtur dubium, quin ex hoc semine, ficuti ex Aniso atque fœniculo, varia alia medicaminum genera possint parari v. g. Oleum expressum, Trageæ, Spiritus &c. sed quoniam Anisum & Fœniculum gratiora præsertim existunt ideo Carvi postponitur, quod tamen viribus quam maxime cum iisdem correspondet. Ita autem spiritus parari poterit. \mathfrak{R} . Sem. Carvi \mathfrak{z} vj. Spiritus Vini Gallici mens. ij. digere & postmodum destilla atque edulcora \mathfrak{z} viii. Sacchari. Obtinetur sic Spiritus virtute stomachica & inprimis carminativa gaudens.

Et hæc sunt quæ de CARVI congerere hac vice placuit. B. L. leves Tyronis conatus æqui bonique consulat. Deo autem T. O. M. pro concessis viribus sit Laus, Honor & Gloria in secula seculorum


FINIS.



Strassburg, Med. Diss., 76 Milhaer-
Mustinges

X 249 8692





B.I.G.

Farbkarte #13

B. C. D.
DISSERTATIONEM INAUGURALEM
MEDICAM

DE
CARVI

PRÆSIDE DEO TRIVNO

EX DECRETO
GRATIOSÆ FACULTATIS MEDICÆ
IN ALMA ARGENTORATENSIVM
VNIVERSITATE

PRO LICENTIA
SVMOS IN ARTE MEDICA HONORES
ET PRIVILEGIA DOCTORALIA
LEGITIME CONSEQVENDI

AD D. 5 SEPTEMB. ANNO CHRISTI MDCCXL.

H. L. Q. C.

SOLENNI AC PLACIDÆ PHILIATORVM
CENSVRÆ SVBJICIET

JOHANNES LVDOVICVS
MILHAV,
ARGENTINENSIS.



ARGENTORATI,
Typis MELCHIORIS PAVSCHINGERI Typogr.